

Jorrāān eo ilo Jikin Ikkure eo

Hunter ekar bōk kūtwōn. "Ijjab ba naan ko."

Jān Diana Evelyn Nielson
(Pedped ioon juon bwebwenato emool)

Bwebwenato in ekar bōk jikin ilo USA.

Hunter ekar ettōr kijoon jikin ikkure
eo ippān ro mōttan. Ekar ūjō ke
ekar eñjake kōto an ettōr eļļāļok jān e.
Ekar eñjake an mōkaj im mera!

Kyle ekar jibwe oror eo mōktata.
"Iwiin!" ekar lamōj.

Hunter ekar añur oror eo jidik
iien tok ālik. "Ejjab jetjet! Kwar ijino
mōktata."


"Innā," Miguel ekar ba. "Ij iaikooj
ippam̄ nān wōjke eo!"

Hunter ekar jino bar ettōr. Iien in,
ekar jibwe wōjke eo mōktata.
Bōtaab Miguel ekar pād tulikin.

"Iwiin!" Miguel ekar ba.

"Jaab, Hunter eo ewiin," Piper
ekar ba.

"Innā," Kyle ekar ba.



KOMELE KO JĀN SHAWNA, J. C. TENNEY

Miguel ekar nukuj pein. Innām ba juon naan
nana.

Ajri ro jet raar ettōñ. Miguel ekar bar ba naan eo,
im raar bar ettōñ jidik.

Hunter ekar eñjake būruōmōj itu-
lowa. Hunter ekar jeļā naan eo
ekar jab em̄man nān ba. Bōtaab
ekar jab kōḡaan bwe ren kōm̄-
man kōjak kake e. Ekar jab ba
jabdewōt.

Piper ekar bar ba juon naan nana.
Innām Kyle ekar bar ba juon.

"Kiiō kwe ba juon, Hunter," Kyle ekar ba.

"Iññā, kwoj ita," Miguel ekar ba. Ba juon naan in
kanejnej."

Hunter ekar bōk kūtwōn. "Ijjab ba naan ko."

"Ba juon naan eban kōmetak eok," Kyle ekar ba.

"Ijjab kōḡaan," Hunter ekar ba.

"Kolukkuun mijak ke?" Miguel ekar ettōñ.

Hunter ekar eñjake an bwil turin mejān. "Ij tōn
etal in ikkure bar juon jikin."

Aolepān ajri ro raar ettōñ im ba naan ko rena-
na. Hunter ekar kōḡaan etal ettoļok. Jikin ikkure
eo ejako an kamōḡōḡō kiiō. "Lo kom̄ tok ālik," ekar
aliñurñur.

Hunter ekar likūt pein ilo bōjō ko an im jidik wōt
an etal eļļāļok jān ajri ro jet. Ekar jab eñjake an
mōkaj ak mera ļok nān jidik. Ekar eñjake an edodo.

Ekar lo jinen im jemen rej jijet ioon juon jea aļaj.
Jemen ekar door laļļok bok eo an. "Em̄man ke am̄
mour?"

Hunter ekar lelōñļok aeran. "Raar jino ba naan
ko renana. Ikar jab kōḡaan kōm̄mane men eo, kōn
menin ikar em̄makūt."

M̄am̄a ekar ettōñ dikdik. "Kwar peran."

"Eļap an utiej būruōm̄ kōn eok," Baba ekar ba.

"Epen nān kōm̄mani kōālet ko rem̄man nē armej ro
ipeļakid rejjab."



Hunter ekar bōk kūtuwōn. Ekar mōḡōḡō ekar
kōm̄mane kōālet eo ejim̄we, bōtaab ekab de
jañin em̄man an eñjake.

"Kwoj ke kōḡaan rōḡl nān m̄weo?" Jinō eaar
kajjitōk.

Hunter ekar ļom̄nak kake. "Ejjañin de," ekar
ba. Ekar reilok nān bar juon kumi in ajri ro rej
ikkure ilo zip ļain ko. "Ij tōn etal nān ijuweeo."

Ke Hunter ekar etetalļok, juon iaan ļaddik ro
ekar jeaajle. "Iakwe, nā David."

"Nā Hunter. "Imarōñ ke ekkāke ippam̄?"

"Aeet!"

Hunter ekar an iien nān iuweļok ioon zip ļain
eo im kar eñjake kōto rej kaiim̄ļok. Ke ekar ikku-
re ippān David im ro jet, ekar eñjake an mōkaj
im mera bar juon alen. Ekar kōm̄mane ta eo
ekar jim̄we, jekdōḡon nē ekar pein. Ekar mōḡōḡō
ekar kōm̄mane juon kōālet ejim̄we. ●

Nān ekkatak eļapļok kōn kōm̄mani kōālet ko rejim̄we,
riiti My Gospel Standard ko ilo tulikin bok eo am̄ *Bok in Unin Tōl eo an Ajri ro.*